

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2525 del 15/09/2021

Traduzione in mòcheno

Naia u'stelltn en de Gamao'n pet minder abia 5.000 voner

S kemmen gem naia moglechkaitn ver za nemmen au naia u'stelltn en de trentinisee gamao'n bou as hòt minder abia 5.000 voner. De amministrazionen as trong envire a toal zòmmòrbetn barn hom de moglechkait za stelln u' naia lait, derno as men bart meing aunemmen de earstn hundert lait schoa' u'ganommen en leiste merz va de Provinzal Junta oa'ne pet de Lokaln Autonomi; ver za gem omport en de neat van gamao'n bou as hòt birkle bea'ne u'stelltn. De mosnemm as s ist kemmen garo u'ganommen va de Junta vourtschbunnen van asesor van lokaln dinstn, ist schoa' kemmen vourtrong en Rot van lokaln autonomi ont s ist s derkennen der bichte schicht as de gamao'n van Trentin hom.

De naiekaitn, abia schoa' tsòk, enteressiarn de Gamao'n as barn envire gea' pet de zòmmòrbet van a toal dinstn oder as zòmmòrbetn pet almen an òndra gamao' ver almen drai òrbetn zbischn de sèlln tschrim as de mosnemm (Òllgamao' Kanzlai, personal ont organizazion; teknikomt, urbanistik ont lòntschòft, voneru'mellnseomt, hòndl, informatik dinstn) oder zboa zòmmòrbetn benns en de doin drinn sai' de birtschòft ont gèltdinst. Òll Gamao' as hòt de zòmmòrbet van dinstn, bart meing aunemmen a nais mentsch. De mosnemm paschraip de virn ver de Gamao'n as nèt s gèlt hom, za vrong der paitrog en de Provinz ver za zoln, almen en de earste zait, de kostn ver za zoln de u'stelltn.

En de mosnemm garo u'ganommen sai' patschrim naia moglechkaitn za nemmen au u'stellnt en de lokal polizai, abia zan paispil de u'stelltn ver a kurza zait derbail as bolten turistn hòt, ver de Gamao'n as vourstea' en de zòmmòrbetn ver de dinstn va de polizai.

Ibersetz gamòcht van Sprochtirl va de Tolgamao'schòft Hoa Valzegu' ont Bersntol
(Traduzione a cura dello Sportello linguistico della Comunità Alta Valsugana e Bersntol)

(cdt)